



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Culture and Sports

Broj 12/-01-05-26804-63/19  
Sarajevo, 05.11.2019. godine

**VLADA KANTONA**

n/r Premijer

(Ovdje)

**SKUPŠTINA KANTONA**

Predsjedavajući Skupštine  
(Ovdje)

**Predmet: Odgovor na zastupničku inicijativu zastupnika Samira Suljevića**

Zastupnik Samir Suljević je na Jedanaestoj radnoj sjednici Skupštine Kantona Sarajevo, održanoj 15.07.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, pokrenuo slijedeću zastupničku inicijativu:

**“Za donošenje pravilnika o nagrađivanju sportista i sportskih kolektiva na nivou KS“**

**Prilog: Zastupnička Inicijativa zastupnika Samira Suljevića  
broj: 01-05-26804-63/19 od 15.07.2019. godine**

**U odgovoru na zastupničku inicijativu Samira Suljevića ističemo slijedeće:**

1.Ministarstvo civilnih poslova Bosne i Hercegovine je donijelo Pravilnik o kategorizaciji sportista na nivou Bosne i Hercegovine („**Službeni glasnik Bosne i Hercegovine**“, broj 52/16) kojim se utvrđuju kategorije sportista/sportistkinja, postupak svrstavanja sportista u kategorije, kriteriji za kategorizaciju sportista, oblici i način ostvarivanja prava koje sportisti ostvaruju na osnovu kategorizacije sportista na nivou Bosne i Hercegovine.

2.Ministarstvo civilnih poslova Bosne i Hercegovine je donijelo i Bliže kriterijume za dodjelu državne nagrade za sport Bosne i Hercegovine („**Službeni glasnik Bosne i Hercegovine**“, broj 87/15), kojim se utvrđuje način dodjele Državne nagrade za sport Bosne i Hercegovine za ostvarene izuzetne /značajne/ sportske rezultate u oblasti sporta, način rada Komisije za nagradu za sport Bosne i Hercegovine, način raspisivanja javnog konkursa za dodjelu nagrade za sport, način predlaganja sportista i sportskog kolektiva za nagradu za sport, postupak za dodjelu nagrade za sport, novčani iznos nagrade za sport i druga pitanja značajna za dodjelu nagrade za sport.

3. Ministarstvo kulture i sporta Kantona Sarajevo je donijelo Pravilnik o kriterijima za podršku finansiranju javnog interesa u sportu („**Službene novine Kantona Sarajevo**“, broj 9/19). Ovim pravilnikom uređuju se kriteriji za podršku finansiranju javnog interesa u sportu Kantona Sarajevo čiji je cilj da omoguće značajnije povezivanje institucije sporta vladinog i nevladinog sektora i doprinesu saradnji na svim nivoima. Kriteriji Ministarstva kulture i sporta Kantona Sarajevo

predviđeni su da podsticajno i selektivno utiču na razvoj sporta i sportskih dostignuća na području Kantona Sarajevo.


Na nivou Federacije Bosne i Hercegovine donesena je Uredba o određivanju kriterija za dodjeljivanje nagrada sportistima, sportskim radnicima i sportskim udruženjima iz Federacije Bosne i Hercegovine za ostvarene vrhunske sportske rezultate na međunarodnim takmičenjima („Službene novine Federacije BiH“, br. 27/12, 74/13 i 4/15).

Prema citiranim odredbama Pravilnika i Javnog poziva koji Kanton Sarajevo objavljuje za sufinansiranje programa i projekata sporta redovno svake godine, Kanton Sarajevo usmjerava finansijsku podršku prema organizacijama u sportu (sportski klub, sportski savez, sportsko društvo ili druga organizacija u sportu) koje stvaraju između ostalog vrhunski sportski rezultat na velikim takmičenjima dajući im na osnovu rezultata iz prethodne i ranijih godina, podsticaje da to i dalje čine, odnosno sufinansirajući njihove projekte i programe rada i na taj način djeluje razvojno na oblast sporta.

Obzirom da država Bosna i Hercegovina i Federacija BiH, nagrađuju vrhunski sportski rezultat i zaslužne sportiste za rezultate ostvarene tokom sportske karijere, na osnovu svojih kriterija, na ovaj način se izbjegava da se jedni te isti vrhunski rezultati (vrhunskih i zaslužnih sportista i sportskih radnika) vrednuju i nagrađuju više puta (i na državnom i na federalnom i na kantonalnom nivou).

Napominjemo da je reguliranje nacionalne penzije za zaslužne sportiste u svim zemljama u regionu, prvenstveno zadatak države, jer vrhunski sportisti – reprezentativci nastupaju na velikim međunarodnim takmičenjima i osvajaju medalje pod obilježjima države (naziv, zastava i himna).

Odgovor pripremio Koordinator izrade odgovora  
na skupštinska pitanja i inicijative  
Dragan Vujmilović



**Dostavljeno:**

1. Stručna služba Vlade Kantona Sarajevo
2. Služba za skupštinske poslove Kantona Sarajevo
3. Samir Suljević, zastupnik (co)
4. a/a



web: <http://mks.ks.gov.ba>  
e-mail: [mks@mks.ks.gov.ba](mailto:mks@mks.ks.gov.ba)  
Tel/fax: + 387 (0) 33 562-062  
Sarajevo, Reisa Džemaludina Čauševića 1

